

S25-6

1002

SS71

055

1917

五



丹溪心法附餘卷之二十四

雜治門

論倒倉法 一百有一

丹溪心法

○倒倉法治癰勞蠱癩等證推陳致新扶虛補損可吐可下用黃色肥牯牛腿精肉二十斤或十五斤順取長流急水於大鍋內煮候水耗少再添湯不可用冷水以肉爛成粗為度濾去滓用肉湯再熬如琥珀色隔宿不喫晚飯大便秘者隔宿進神芎丸不秘者不用五更於密室不通風處溫服一鍾伺隔間藥行又續續服至七八鍾病人不欲服強再與之必身體皮毛皆痛方見吐下寒月則重湯溫之病在上欲吐多者須緊服又不緊太緊恐其不納病在下欲利多者須疎服又不可太疎恐其不達臨時消息大抵先見下方可使吐須極吐下伺其上下積俱出盡在大便中見如胡桃肉狀無臭氣則止吐利後或渴不得與湯其小便必長取以飲病者名曰輪迴酒與一二碗非惟可以止渴抑者可以滌濯餘垢睡一二日覺飢甚乃與粥淡食之待三日後始與少菜羹自養半月覺精神渙發形體輕健沉疴悉安矣 大槩中間飲至七八鍾時藥力經涉經絡骨節搜逐宿垢正邪寧不抵牾悉有急悶似痛非痛自有惡況此皆好消息邪不勝正將就擒耳尤須寧耐忍受又於欲吐未吐欲泄未泄交作皆有腦括意思皆須歡喜樂受一以靜處之此等有大半日景象不先說知使方寸瞭然鮮有不張皇者矣 未行此法前一月不可近婦人已行此法半年不可近婦人五年不可喫牛肉性急好淫不守禁忌者皆不可行此法倒倉全在初起三鍾慢飲最緊要能行經隧中去

法曰腸胃為市以其無物不有而穀為最多故曰倉倉積穀之室也倒者傾去積舊而滌濯使之潔淨也經曰胃為受盛之官故五味入口即入於胃留毒不散積聚既久致傷冲和諸病生焉今用黃牯牛肉其義至矣夫牛坤土也黃土之色也以順為德而效法乎健以為功者壯之用也肉者胃之樂也熟而為液無形之物也橫散入肉絡由腸胃而滲透肌膚毛竅爪甲無不入也積聚久則形質成依附腸回胃薄曲折處以為

栖泊之窠臼阻礙津液氣血薰蒸燔灼成病自非剖腸刮骨之神妙熟能去之又豈合勺銖兩之丸散所能
竅犯其藩牆戶牖乎夫牛肉全重厚和順之性潤枯澤槁豈有損也其方出於西域之異人人於中牟後行
一二次亦却疾養壽之一助也

附諸方

霞天膏 韓飛霞方 此方即倒倉古法傳自西域有人指予投煎劑治疾而遂推廣之

黃牯牛一具

遼統黃肥澤無病方一二歲者

右洗淨取四腿項脊去筋膜將精肉切成塊子大栗大秤三十斤或四五十斤於淨室以大銅鍋無則用新
鉄鍋加長流水煮之不時攪動另以一新鍋煮沸湯旋加常使水淹肉五六寸掠去浮沫直煮至肉爛如泥
盡去滓却將肉汁以細布澆入小銅鍋用一色桑柴文武火候不住手攪不加熟水只以汁漸加如糖飴滴
水不散色如琥珀其膏成矣 此節大候最要用心否則壞矣 大段每肉十二斤可煉膏一斤為度磁器盛之是名霞天膏也
用調煎劑初少漸多沸熱自然溶化 用和丸劑則每三分攪白麩一分同煎成糊或煉蜜寒天久收若
生微用重湯煮過熱天冷水窖之可留三日

○廣按治痰之藥用南星半夏者所以燥之也用橘紅枳殼者所以散之也用茯苓猪苓者所以滲之也用
黃芩黃連者所以降之也用巴豆附子者流通之義也用竹瀝瓜蔓者潤下之義也雖然實痰新痰之為
病宜此而虛痰老痰之為病所不宜也夫老痰稠粘膠固於胸臆之間依附盤薄於腸胃之處苟非霞天
膏之浸潤流動而能從上從下以出之乎夫用霞天膏吐瀉以去痰積則不致虛損元氣所以為美也前
條云倒倉法能治癱勞鼓噎夫癱勞蟲噎之症乃虛中有痰積也愚意治此四證於補虛藥中加霞天膏
以去痰積必然安愈無人知此之妙訣也

論吐法 一百有二

○凡藥能升動其氣者皆能吐 如防風山梔川芎桔梗茅茶以生薑汁少許醋少許入薑汁搗服以鵝翎勾

引之 附子共桔梗蘆人參蘆瓜蒂藜蘆硃不甚用艾葉末茶此皆自吐之法不用手探但藥但湯皆可吐

吐時先以布荅膊勒腰腹於不通風處行此法 一法用蘿蔔子五合搗入漿水濾過入清油白蜜少許浸

半溫用束帛緊肚皮然後服以鵝翎探吐其鵝翎平時用桐油浸皂角水洗晒乾待用 又法用鰕帶殼半

斤入醬葱薑等料物煮汁先喫鰕後飲汁以一翎勾引即吐必須緊束肚腹 又法苦參末赤小豆各二錢

薑汁調重則宜用三錢吐法取逆流水 益元散吐濕痰 白湯入鹽方可吐 人參蘆煎湯吐虛症凡吐

先飲二碗隔宿桔梗半兩陳皮二錢甘草二錢煎湯 凡吐不止麝香解藜蘆瓜蒂 葱白湯亦解瓜蒂

甘草總解諸藥白水總解

充按三法中惟湧劑為難用有輕重卷舒之機汗下則一定法也故先生特註吐為詳者恐人不深達其理

徒倉皇顛倒反有害於病耳今總例諸法於此使臨病隨機應變披卷瞭然不必搜檢而便施於治也

附諸方

獨聖散 治中風痰迷心竅顛狂煩亂人事昏沉痰涎壅盛及治五癰心風等證

瓜蒂 不拘多少 右為細末每服一錢以薑汁調

二神散 治證同前

常山 一兩 葱管藜蘆 半兩 右為細末用水一鍾煎二錢至七分食後溫服

三仙散 治證同前 防風 去蘆 瓜蒂 微火烘細剉研 葱管藜蘆 一兩 為細末各五錢

右為粗末每服三五錢以薑水二鍾煎七八沸去粗將粗又用薑水一鍾煎至半鍾却將先二鍾藥汁合作

一處再熬五七沸去粗澄清放溫徐徐服之不必盡劑以吐為度

四靈散 治證同前 瓜蒂 一錢 人參蘆 二錢 赤小豆 甘草 各一錢

右為細末每服一二錢或至少半錢量情與之食後不計調下

五五散

治證同前

猪牙皂角

不蛀者去皮弦炙

綠礬

各一錢

明礬

二錢

赤小豆

一錢

葱管

五錢

右為細末每服半錢或一二錢漿水調下如牙關緊閉幹開灌之

六應散

治證同前

鬱金

滑石

川芎

各等分

右為細末每服一二錢量虛實加減以薑汁調空心服

○凡服吐藥不須盡劑服藥後約人行十里未吐以溫茶一鍾入香油數點投之良久以鵝翎喉內徐徐牽引得吐即止未吐再投吐藥如服吐藥嘔吐不止者以麝香少許研水飲之即解

救急諸方一百有三

丹溪心法

魚骨鯁

用沙糖白炭皮末紫蘇葉滑石末和丸含口中津液嚥下骨自隨下

薑毒

用木香青皮等分作湯飲之

眾藥毒

用五倍子二兩重研細用無灰酒調服毒在上即吐在下即瀉解一切毒

解一切毒

用粉甘草五兩重細切微炒搗細量病人喫得多少酒取無灰酒一處研去粗溫服須臾大吐瀉

毒亦隨去雖十分渴不可飲水飲水難救

解九里蜂

用皂角鑽孔貼在蜂叮處就皂角孔上用艾灸三五壯即安

天蛇頭

用落蘇即金絲草金銀花藤五葉紫葛天蕎麥切碎用十分好醋濃煎先熏後洗

又方

用人糞雄黃泥搗之裹在患處即安

又方

用撲蛇燒為灰存性地上出火毒研為細末用香油調傳如洗只用井花水

天火帶

用白鰾泥炒研細香油傳之

又方

雄雞毛及鵝毛燒灰傳之

治蜈蚣全蝎傷

方同九里蜂灸法

治一切蛇咬

用金絲重樓水磨少許傳咬處又為細末酒調服

又方

柏樹葉魚腥草皺面草草決明一處研細傳咬處佳



南京中醫藥大學

中牛馬肉毒 方同解一切毒法

狗咬 以紫蘇口嚼碎塗之

風狗咬 取小兒胎髮炒新香野菊花研細酒調服盡醉

附諸方

救自縊法 三因方 凡自縊高懸者徐徐抱住解繩不得截斷上下安被卧之以一人用脚踏其兩肩手挽其髮

常令弦急勿使緩縱一人以手按拒胸上數摩動之一人摩捋臂脰屈伸之若已強直但漸屈之并按其腹

如此一時頃雖得氣從口出呼吸眼開仍引按不住須臾以少桂湯及粥清灌令喉潤漸漸能嚥乃止更令

兩人以管吹其兩耳此法最好無不活者自旦至暮雖冷亦可救自暮至旦陰氣盛為難救耳

又法以一人兩手掩其口勿令透氣一人用手摩其頸痕兩時氣急則活

半夏散 三因方 治魔寐卒死諸暴絕證 用半夏不拘多少湯洗七次為末每用少許吹入鼻中心頭溫者可

治倉卒無藥急於人中穴及兩脚大拇指內離甲一韭葉各灸三五壯即活

救凍死法 經驗方 四肢直口噤只有微氣者 用大釜炒灰煖以囊盛熨心上冷即換之自開氣出然後以粥

清稍稍進之若不先溫其心便將火灸則冷氣與火爭必死

孫真人救落水法 醫方大成 急解去死人衣帶艾灸臍中即活

救溺水法 經驗方 凡人溺水者救上岸即將牛一頭却將溺水之人將肚橫覆在牛背上兩邊用人扶策徐徐

牽牛而行以出腹中之水如醒以蘇合香丸之類或老薑擦牙若無牛以活人於長板凳上仰卧即令溺水

人如前法將肚相抵活人身上水出即活 蘇合香丸見中風

治絞腸痧證 手足厥冷腹痛不可忍者 醫方大成 以手旋溫水於病者膝灣內拍打有紫黑點處以針刺去惡紫黑血即愈

治骨鯁 醫方大成

以野苧根洗淨搗爛如泥每用龍眼大如被雞骨所傷以雞羹化下如被魚骨所傷以魚汁湯化下

治一切骨鯁 醫方大成 用金鳳花子嚼爛噙下無子用根亦可

治魚骨入喉 百一選方 縮砂 甘草 右為末以綿裹少許噙之旋旋嚥津久之隨痰吐出

金鈎釣食丸 治諸鯁 用威靈仙根不拘多少以好醋米浸一二日晒乾為末醋糊為丸如梧桐子大每服

一丸或二丸半茶半湯下如要吐轉用沙糖銅青為末半匙滴油一二點同茶湯調服即吐出原物如藥性來遲令患人兩手伏地用清水一盆以鵝翎口中攪探即吐出於盆內

又方 治魚刺并骨鯁在喉內

用山查樹獨根向下者與玉簪花根同搗取自然汁用匙或竹筒盛汁送入口內不可着牙着牙皆化

太乙神丹 一名追毒丹 又名紫金丹

雄黃 一文蛤一名王倍子地山茨菰焙二兩 紅芽大戟 去皮洗淨焙乾燥一兩半 千金子 一名續隨子去殼研去油取霜一兩

硃砂 錢五麝香三錢

右除雄黃硃砂千金子麝香另研外其餘三味為細末却入前四味再研勻以糯米糊和劑杵千餘下作餅

子四十箇如錢大陰乾治一切醫所不療之疾毒藥蠱毒瘡氣狐狸鼠莽惡菌河魴等毒咬死牛馬肉毒蛇

犬惡蟲所傷中惡瘟疫傷寒結胸發狂纏喉諸風癰癤赤腫丹瘤生薑薄荷汁入井花水磨服 大人中風

諸痢用酒磨服 小兒急慢驚風五疳八痢一餅作五服入薄荷一葉同井花水磨服牙關緊者塗之即開

癰疽發背疔腫一切惡瘡用井花水磨服及塗患處未潰者覺痒立消 頭疼用酒入薄荷同研爛以紙

花貼太陽穴上立效 體實者一餅作二服 體虛者一餅作三服 凡服此丹但得通利一二行其效尤

速如不要行以米粥補之 若用塗瘡立消 孕婦不可服

解毒丸 三因方 治誤食諸毒草并百物毒救人於必死

板藍根 乾者貫眾一兩青黛別研生甘草各二兩

右為末蜜丸如梧子大以青黛別為衣如稍覺精神恍惚惡心即是誤中諸毒急取樂士五丸爛嚼新汲水下
青黛雄黃散 三因方 凡中毒及蛇蟲咬傷即服此藥乃今毒氣不得聚

上好青黛 雄黃 各等分 右為末新汲水調服二錢

礬茶散 治中諸物毒

晉蓉 建茶 各等分 右為末每服二錢新汲水調下得吐即效未吐再服

丹砂丸 治毒 雄黃別研 硃砂別研 各等分 藜蘆 畧炒 鬼白 巴豆 各一錢半 去殼心去油

右為末蜜丸如豆大每服三丸空心乾薑湯下當轉下惡物并蠱等如煩悶後以鴨為羹食之

雄麝散 治五種蠱毒

雄黃 末 麝香 末 右取生羊肺如指大以刀開內裹藥吞之

又方 治蠱毒 用升麻末三錢溪水調服

又方 治中毒下血者 用蜆皮燒為灰細研以水調下二錢日進三服立愈

又方 治五種蠱毒 以馬兜鈴根三兩搗篩分為三貼用一貼以水一大盞煎至五分去滓空心頻服當此

吐盡出未快再服之以快為度

○神珍方云蠱之為毒醫書所載雖有數種而中土少見之今古相傳多是閩廣深山之人於端午日以蛇虺蜈蚣蝦蟇三物同器貯之聽其自相食咬俟一物獨存者則為之毒欲害其人密取其毒於酒食中啖之若中其毒者令人心腹絞痛如有蟲咬吐下血皆如爛肉若不即治食人五臟即死然此毒中人有緩有急急者數十日便死緩者待以歲月氣力羸敗食盡五臟而後死死則其毒流注於旁人亦成蠱注大抵試驗二毒之法令病人咳嗽唾水中沈者是毒浮者非也或含一大豆其豆脹脫者蠱也豆不脹皮不脫又非也又以鵝皮置病人卧下勿令知覺病甚者是否則非也治療之法必須審而後行試而後可今人凡有積聚脹滿之病類乎蠱者便以為蠱尤為非也世說閩廣深山之人專有以蠱行毒於人者若欲知其姓名呼喚

將云其病自愈又一說病者喜能知元中毒是何物終身不服此物其毒亦不復作雖相傳如此俱未之見
謹用載之以備搜覽

解砒毒百一連方

漢椒四十粒黑豆十四粒

烏梅二箇甘草節二寸

右咬咀用水一碗煎至七分溫服

又方百一連方解砒毒

白扁豆

青黛

甘草各等分

巴豆一錢去殼

不去油

右咬咀為末以沙糖一大塊水化開調一大盞飲之毒隨利去却服五苓散之類

五苓散

見中藥類

中砒毒醫方大成

以地漿調鉛粉服之立效豆汁亦佳

解砒毒經驗方

宜用早禾稗燒灰新汲水淋汁絹帛濾過冷服一碗毒從下利即安

又方

用水調水粉吞之或草豆據水服皆可

解砒毒鼠莽毒醫方大成

用旋刺下羊血或雞鴨血熱服效 又有用烏柏根搗水亦好

解鼠莽草毒

用大黑江豆煮汁服之如欲試其驗先用鼠莽草果以豆汁澆其根從此敗爛不復生矣

又方 解鼠莽毒

用枯過明礬同極等好茶末少許新汲冷水調服今人用之累效

解諸毒醫方大成

用玉簪花根搗水服

又方 解諸毒醫方大成

用黃連甘草節水一碗煎服

治食河豚魚中毒醫方大成

一時用治倉卒無藥急以清油多灌之使毒物吐盡為愈

中為頭天雄附子毒醫方大成

用大豆汁解 遠志防風棗肉飴糖並能解

中已豆毒醫方大成

以黃連大豆菖蒲汁並解之

解砒毒及已豆毒經驗方

用藍根沙糖二味相和搗水服之或更入薄荷汁尤妙

治中諸藥毒百一連方

生甘草

黑豆

淡竹葉各等分

右咬咀用水一碗濃煎連服

新掘地窟以冷水於內攪之令澄清取飲之即解謂之地漿



又方 解食野菌中毒 用甘草不拘多少以麻油一盞煎數沸冷服其毒即解

治毒蛇惡犬蜈蚣蝎螫咬傷 細辛 白芷各二錢 雄黃一錢 麝香少許 右為末以好酒調一錢

治一切蛇蟲作傷百一選方

用貝母為末酒調令病者盡量飲之少須酒自傷處為水流出候水盡却以藥滓傳瘡上即愈

治蛇虺蜈蚣咬傷百一選方 用艾於傷處灸三五壯拔去毒即愈

治蜈蚣諸毒蟲所傷經驗方 用清油燈心點燈以傷處於煙上熏之其痛即愈 又方用雞糞塗之

一方 治蛇傷 雄黃 五靈脂 貝母 香白芷各等分 右為末每服二錢熱酒調服

又方 用白礬以滾水泡洗其傷處

治惡蛇所傷秘方 用青木香不拘多少煎服其痛即止

治蜈蚣咬秘方 用香附子嚼搽患處立效

一方 治誤吞馬蝗腹痛即水蛭 用田中泥為丸水吞下其蟲必隨吐瀉出

治狗咬百一選方 用杏仁去皮共同馬蘭根研細先以葱湯洗然後以此塗傷處

治犬咬傷經驗方 用草麻子五十粒去殼以井花水研成膏先以鹽湯洗傷處後以此膏敷貼

一方 用虎骨屑傳之

一方 治顛犬咬傷及經久復發者 雄黃黃明者五錢 射香

右研勻以酒調服二錢服後得睡為佳俟其自醒利下惡物再進一服即見效

定風散 治風狗咬傷 南星生防風各等分

右為末先以口噙漿水洗淨傷處用綿拭乾以藥糝上更不發無膿易瘡

又方 治風狗咬傷風經驗方 此病雖為小可乃九死一生之病可急用班貓七箇去翅足為末酒調服於

小便盆內見衣沫似狗形者為效如無再服七次無狗形亦不再發也此方累試經驗

又方 治風狗咬傷 秘方

用班猫七箇去翅以糯米一撮炒黃去米不用將班猫研為細末麪糊丸如菴豆大每服七丸溫酒下

又方 治顛犬所傷 醫方大成

用班猫大者二十一隻去頭翅足用糯米一勺先將班猫七隻入米內於微火上炒不令米亦去此班猫別以七隻再於前米內炒令班猫色變復去之又別用七隻如前法炒以米出青烟為度去班猫不用以米研為粉用冷水入清油少許空心調服須臾又再進一服以小便利下惡毒為度如不利再進一服利後肚腹疼痛急用冷水調青靛服之以解其毒否則有傷或煎黃連水亦可不宣便食熱物

又方 治風犬傷 經驗方

隨用蝦蟆後兩腿搗爛酒調服或醋亦可先於頭頂上拔血髮三二根小便內見衣沫

又方 治風狗咬傷 秘方

用葱白心四十九根搗爛如膏用生蜜一同調和用溫筒兒盛放用紙封一七日如有人被傷用此膏貼其傷處瘡口上七日又用葱白皮封着如瘡口大再換膏子貼共二七日切忌諸般葷腥一百日外用消風散一錢用熟健猪肉七斤葱白七莖蜜一小匙和撲再入原煮猪肉汁泡使葱白熟方可患人熟食小兒用肉七小片消風散一錢蜜半匙煮服 消風散 方見頭風類

十危病方 一百有四新增

附諸方

華陀十件危病方 經驗方

漢神醫華陀字元化嘗云人有危病急如風雨命醫不及須臾不救觀其橫夭實可哀憐予因暇日選十件危病處三十妙方以救橫夭詳錄於後不可不知

一霍亂吐瀉 其證始因飲冷或冒寒或失飢或大怒或乘舟車傷動胃氣令人上吐吐不止令人下瀉吐瀉

并作遂成霍亂頭眩眼暈手脚轉筋四肢逆冷用藥遲緩須臾不救

吳茱萸 木瓜 食鹽 各五錢

右三味同炒焦用磁罐盛水三升煮令百沸却入前藥同煎至一二升已下傾一盞隨病人意冷熱服之藥入即醒 如倉卒無藥用枯白礬末每服一錢用百沸湯點服 如無白礬只用鹽一撮醋一盞同煎八分溫服或鹽梅醃酸皆可煮服

二纏喉風喉閉 其證先兩日胸膈氣緊出氣短促驚然咽喉腫痛手足厥冷氣閉不通頃刻不治

巴豆 七粒三生四熟生者去殼生雄黃 皂子大鬱金 一箇蟬肚

右三味研每服半用茶調細呷如口噤咽塞用小竹管納藥吹喉中須臾吐利即醒 如無前藥則用升麻

四兩劉碎水四碗煎一碗灌服 又無升麻用皂角三錠杵碎接水一盞灌服或吐或不吐即安

三吐血下血 其證皆因內損或因酒色勞損或心肺脉破血氣妄行血如湧泉口鼻俱出須臾不救

側柏葉 蒸乾人參 焙乾各一兩

右二味為末每服二錢入飛羅麩二錢新水調和如稀糊服 如無前藥用荊芥一握燒過蓋地上要出火

毒研如粉陳米飲調下三錢不過二服 如無荊芥用釜底墨研如粉服三錢米飲下連進三服

四中砒霜毒 其證煩燥如狂心腹攪痛頭旋欲吐不吐面口青黑四肢厥冷命在須臾

用黑鉛四兩磨水一碗灌之 如無前藥青藍兩握研井水調一碗灌之 如無藍用清油二升許灌服

其毒即解 又無油掘地用水作漿濃喫一二碗土用黃色者佳

五尸厥 其證奄然死去四肢逆冷不省人事腹中氣出如雷鳴

焰硝 五錢 硫黃 二兩

右研如粉作仁服每服用好舊酒一大盞煎攪焰硝起傾於盞內蓋着服如人行五里又一服不過三服即醒兼灸百會穴四十九壯臍下氣海丹田三百壯身溫止 如無前藥用附子七錢重炮熱去皮臍為末作

二服用酒三盞煎一盞服 又無附子用生薑自然汁半盞酒一盞同煎令百沸并灌二服仍照前矣

六中忤中惡鬼氣 其證暮夜或登廁或出郊野或遊冷屋或行人所不至之地忽然眼見鬼物鼻口吸着惡鬼氣驚然倒地四肢厥冷兩手握拳鼻口出清血性命逾巡須臾不救此證與尸厥同但腹不喘心腹俱暖凡中惡驚然倒地切勿移動其屍即令親戚眾人圍繞打鼓燒火或燒麝香安息香蘇合香樟木之類直候醒記人事方可移歸

犀角錢末四麝香 硃砂錢各二

右為末每服二錢井水調下 如無前藥用雄黃末服一錢煎桃枝葉湯調灌 又無雄黃用故汗衣或觸

衣汗衣者着在身上多時久遭汗者佳觸衣者久着內衣襯衣也婦用男衣男用婦衣燒存性服二錢百沸湯調下

七脫陽 其證多因大吐大瀉之後四肢厥冷元氣不接不省人事或傷寒新瘥誤與婦人交其證小腹緊痛外腎搐縮面黑氣喘冷汗自出亦是脫陽證須臾不救先以葱白數莖炒令熱熨臍下次用

附子一枚重一兩到八片白朮 乾薑各半木香二錢半

右四味各研末用水二碗煎八分碗放冷灌服須臾又進一服合滓并服 如無前藥用桂皮二兩好酒

二升煎一升分作二服灌之 又無桂皮用葱白連鬚三七根細剉沙盆內研細用酒五升煮至二升分作二服灌之陽氣即回先用炒鹽熨臍下氣海勿令氣冷 又無葱白用生薑二七片亦好依前法服

八鬼魔鬼打 其證初舍到客舍館驛及久無人居冷房睡中覺鬼物魔打但其人啞啞作聲便令人叫喚如不醒此乃鬼魔也不救即死

牛黃一錢雄黃一錢硃砂半錢

右為末研和勻每挑一錢床下燒次挑一錢酒調灌之 如無前藥用桃柳枝東邊者各折七寸煎湯灌下

如無桃柳枝用龜心土搥碎末服二錢并水調灌更挑半指甲許吹入鼻中更用艾炙人中次并灸兩腳

大姆指內離甲一韭葉各灸七壯

九孕婦逆生 其證孕婦欲產時過腹痛不肯舒伸行動多曲腰眠卧忍痛其兒在腹中不得動轉故脚先出謂之逆生須臾不救子母俱亡

烏蛇退一條 蟬退十四箇 血餘胎髮一匙

已上各燒灰服二錢酒調下併進二服仰卧霎時兒即順生 如無前藥用槐子二七粒并井花水吞下又無槐子用小絹針於兒脚心刺三五針急用鹽少許塗脚心刺處即時順生子母俱全十胎衣不下惡心湊心 其證心頭迷悶胎衣上逆衝心須臾不救子母俱亡

乾漆五錢為末 大附子一枚炮去皮臍為末

已上用大黃末五錢酒醋熬乾即入前二味為丸梧桐子大每服三十丸淡醋湯吞下須臾又進二服胎衣立下此藥可預先合下妙 如無前藥用赤小豆一升炒過用水三升煮二升去豆取汁溫服其胎衣立下又無豆用婦人自己手足指甲燒灰酒調須臾又進一服更令有力婦人抱起將竹筒於心上趕下妙備用要方 一百有五新增出明醫雜著

附諸方

夏月傷暑發熱汗大泄無氣力脉虛細而遲此暑傷元氣也服後方

人參錢一 黃耆錢一 麥門冬錢一 黃連錢五分 黃柏錢三分 白朮錢五分 白芍藥錢一 甘草錢五分 陳皮錢一 白茯苓錢一 香薷錢七分 知母錢七分 右用水一鍾半生薑三片煎七分食前溫服

夏秋暑熱因熱過飲食冷物茶水傷其內又過取涼風傷其外以致惡寒發熱胸膈飽悶飲食不進或兼嘔吐泄瀉此內外俱傷寒冷也

人參錢一 白朮錢一 乾薑錢一 甘草錢五分 厚朴錢二 陳皮錢一 羌活錢一 枳實錢一 白茯苓錢一 右用水二盞生薑三片煎至八分食前溫服

夏暑若在中當服以壯元氣清熱驅暑服之以免中暑霍亂泄瀉痢疾等證

人參一錢二分 麥門冬一錢 五味子一錢 白朮一錢 白芍藥一錢 甘草五分 知母一錢 白茯苓一錢 黃芩一錢

陳皮七分 香薷七分 右用水一盞半生薑三片煎至七分食前溫服

人遇勞倦辛苦用力過多即服後方二三服免生內傷發熱之病此方主於補氣

黃芪一錢 人參一錢 甘草五分 五味子二十粒 麥門冬一錢 陳皮一錢 白朮一錢

勞倦甚加熟附子四五分 煎法同上

人遇勞心思慮損傷精神頭目眩昏心虛氣短驚悸煩熱即服後方補血為主

人參一錢 五味子一錢 當歸一錢 麥門冬一錢 白芍藥一錢 山梔子五分 茯神一錢 酸棗仁一錢 生地黃五分

酒甘草五分 陳皮五分 川芎五分 右用水一盞半生薑三片煎至七分食前溫服

體氣一百有六新增

丹溪心法

○狐臭 用硃砂密陀僧明礬銅青白附子辰砂為末先以皂角水洗二三次後傳上不過三次全好

又方 用黃丹水銀加白梅肉為丸擦之 又方 飛黃丹密陀僧枯礬以蒸餅蘸藥擦之

附諸方

田螺散 治體氣患此疾者耳內有油滯是 用大田螺一枚水中養之俟靨開以巴豆一粒去殼將針挑巴豆放在內取

去拭乾仰傾蓋內夏月一宿冬月五七宿自然成水取搽腋下絕根

一方 先用胭脂搽腋下其出狐臭之處黃色就將前說巴豆田螺去靨掩於狐臭之上絹帛緊勒其狐臭從

大便出則絕根矣

一方 用熟蒸餅一箇擘開作兩邊搽密陀僧細末一錢急挾在腋下畧睡少時候冷棄之除根

汗癥 一百有七新增



附諸方

一方 治汗癩紫白色者 用白附子硫黃各等分為細末以茄蒂蘸醋粘末擦之

又方 用夏枯草濃煎水日洗數次

肥皂丸方 去白癩黑點白癬諸般瘡痕令人面色好

白芷 白附子 白殭蠶 白芨 猪牙皂角 白蒺藜 白斂 草烏 山柰 甘松 白丁香

杏仁 豆粉各一輕粉 密陀僧 樟腦各半 孩兒茶三錢 肥皂去穢外皮筋并子只要淨肉一茶盞

右先將淨肥皂肉搗爛用雞清和晒去氣息將各藥為末同肥皂雞清和為丸

一方 點疔塗瘤去痣 人言一錢雄黃一錢巴豆一箇蟾酥二分

右為細末將瘡口用針撥開以藥點上如貼瘰癧瘡去蟾酥用輕粉

烏髭髮一百有八新增

附諸方

犀皮膏 御藥院方 治髭髮乾燥能令潤澤 小麥麴半升 半夏湯洗 沉香半兩 生薑一兩去皮

右用水一碗生薑一兩和皮細切同煎去滓取清汁入腦射少許攪勻洗髭髮自然潤澤

洗髮菊花散 甘菊花 蔓荊子 乾柏葉 川芎 白芷 細辛去苗 桑白皮去黃粗皮生用 旱蓮根莖花葉各一兩

右咬咀每用藥二兩漿水三碗煎至二碗去滓洗髮

三聖膏 御藥院方 治髭鬚脫落能令再生 黑附子 蔓荊子 柏子仁各半兩

右為末烏雞脂和搗研乾置瓦合內封固百日取出塗在髭髮脫處三五日即生自然少壯不脫

烏雲散 御藥院方 治髮髮黃白不黑

膽礬 五倍子 百藥煎 青胡桃皮 酸石榴皮 訶子皮 木瓜皮 猪牙皂角 何首烏

細辛 各等分

右為末煉蜜丸如錢大常於木炭內培養勿得離炭如要烏髭髻時用熱酒化開塗髭髻上好熱醋亦可

一方 生薑 半斤 生地黃 半斤各洗淨研

右用不蛙皂角十莖去黑皮并筋將煎藥汁蘸皂角慢火炙黃用藥汁盡為度前藥滓同入灌內用火熬存性為末用鐵器盛藥末三錢湯調停二日臨睡將藥蘸汁髭髻即黑

烏髭方 針砂 一錢一分 潔淨者用好醋浸過一七湯起晒乾 訶子皮 五分 百藥煎 五分 白芨 五分 皂莢 三分 半

右各搗為末用好醋調勻如爛泥為節至晚調塗髭上勻濟却用青菜葉預先用火烘軟色黃上再加油紙護包却用手帕或用絹包裹令緊勿令透風延過一夜至清晨解脫用肥皂角洗去即黑極妙用核桃肉油潤之如連肌肉黑了用無漿粉白布一擦即去

黑鬚散 延生至寶 宮粉 真蛤粉 黃丹 密陀僧 各三錢 石灰 二錢

右為細末水調搽上如乾水洗去藥核桃油潤之

華山處士摘鬚髮白日 每日辰時面東摘

正月初四 十七 二月初八 二十 三月初八 初十 十二 四月初三 十六 十八 十九

五月十一 十六 六月初四 十四 十七 七月初三 初四 十八 八月十五 十九 二十

九月初二 初四 十五 十月初七 十二 二十二 十一月十五 十七 二十 十二月初七

十六 三十

早蓮花 沒石子 荷葉 活猪鬃 各等分先將猪鬃鐵銚內炒次將餘藥並炒令焦黑存性為末以

柳枝自然汁調少許拔白即蘸入藥以柳枝蘸藥妙不可言

烏髭髮方 用大水蛭一箇放磁碗中餓一七將水蛭洗淨用白毛烏骨雄雞血以好清煙京墨磨濃傾尿胞

內任水蛭吮飽將針刺破流出血汁搽髭髮留根二分其汁浸漬入肉髭髮一年茂黑不退且柔軟不損極妙

一方 五倍子 炒黑色青綿布已裹 銅末 銀鍋內煨 白礬 枯三 訶子肉 三分 硃砂 三分 細辛 三分